

起筆於茲  
非偶然也

〔漫遊雜記〕上後藤良山幼而寒窶慨然歎曰我爲儒乎難上伊仁齋我爲僧乎難兄隱元無已則醫乎無有豪傑逸才之先著鞭者乃謀其親舊贄青錢壹貫文執謁於名護屋玄醫玄醫以其贄薄不合家規不見良山激憤填膺將出門罵曰玄醫鼠輩不知人乃自奮死力勤勉遂爲古醫道之開祖矣

〔一本堂行餘醫言〕序予在播州幼受讀書未知所向略中十八負笈來京師略中乃學醫於養菴後藤先

生先生初不肯教曰恐子爲醫不得如願再三推辭欲不爲醫予強請教一意學之三年古今醫籍涉獵殆盡而無當予心者再取素問靈樞八十一難始終縱橫誦讀數遍乃擲書憤起曰邪說哉奚用是爲若謂非據此則醫終不可爲則已奚用是爲歷々堂々聖賢之徒反賴異端邪說修身治人縱使變成岐伯扁鵲固非所望何足希哉次取張機傷寒雜病論反覆熟讀四三年以爲古今醫人中之翹楚無復出其右者大奇藥方信之至矣惜乎其論全出于素問不免混乎陰陽者流且有一二謬妄也吁得非千載一大遺憾乎哉况其下者邪晉齊隋唐葛洪皇甫謐褚澄巢元方孫思邈王燾之徒皆同意趣宋元以下益隨議論無足取者上下古今二千年未嘗見一人一書可祖述憲章者於是乎創得發明一本宗旨質之先生先生曰我亦久疑舊醫說雖然此乃古今一大結構非老子所及故未決也爾後講習討論略得就緒惟恐自我作古人人所憚雖然愚者一得殆不可已若因是得罪我所不辭也倘爲正學人所取則幸甚矣決非醫家者流所知也乃爲吾黨小子著行餘醫言若干卷漸次刻櫻板貽諸子孫以擬青氈略中

一本堂主人香川修德誌

〔東洞先生遺稿〕上復田龍介書

孟夏辱賜書審悉近狀而知足下浴藥湯頭痛發熱咳嗽倚息起居不安瞑眩之與邪毒狀一則以喜一則以懼爾後奈何請詳示焉來諭所云鄙意有不安者焉故聊述而請正夫醫屬方技固賤業也雖然聖人安天下人民以禮樂刑政而其猶有所病故周公置大醫職使之掌養萬民疾若是亦安民一端矣而